

ავტორიზაციის ექსპერტთა ჯგუფის დასკვნა

შპს საზოგადოებრივი კოლეჯი „ეტალონი“-ს N 17545 (14.09.2012) წერილისა და სსიპ განათლების ხარისხის განვითარების ეროვნული ცენტრის დირექტორის N776-ბრძანების (05.10.2012) საფუძველზე, აღნიშნული საზოგადოებრივი კოლეჯში სტუდენტთა ადგილების ზღვრული ოდენობის გაზრდის საკითხთან დაკავშირებით, განხორციელდა ექსპერტთა ვიზიტი. საგანმანათლებლო პროგრამებიდან გამომდინარე-ვიზიტის დროს ექსპერტთა ჯგუფის მიერ გადამოწმდა კოლეჯის მატერიალური რესურსი, საგანმანათლებლო პროგრამების განმახორციელებელი პერსონალის რაოდენობა და კვალიფიკაცია

დადგინდა:

მატერიალური რესურსი:

ავტორიზაციის საბჭოს 2012 წლის 13 მარტის გადაწყვეტილებით (ოქმი N 9) შპს საზოგადოებრივი კოლეჯი ეტალონს მიენიჭა ავტორიზაცია და სტუდენტთა რაოდენობა განესაზღვრა 280-ით, რის შემდეგაც მან მატერიალური რესურსის სახით სასწავლო ფართები დაიმატა გორში, ქუთაისში, სამტრედიასა და თელავში, ამჟამად საგანმანათლებლო მიზნებისათვის ის დამატებით, იჯარის ხელშეკრულებების საფუძველზე ფლობს შემდეგ მატერიალურ რესურსს:

- გორში- სტალინის ქუჩა N 15-ში სამსართულიანი შნობის მესამე სართულზე 634 კვ.მ. ფართს. ექსპერტთა ვიზიტის დროს აღნიშნული ფართის ფლობა საჯარო რეესტრის ამონაწერით არ დასტურდებოდა (საკადასტრო კოდი 66.05.19.154).
- ქუთაისში- გრიშაშვილის ქუჩა N 7-ში 902.95 კვ მ ფართს, (საკადასტრო კოდი 03.03.26.117.01.509)
- სამტრედიაში- ფოთის ქუჩა N 11-ში 430 კვ.მ. ფართს საკადასტრო კოდი (34.08.56.243)
- ბათუმში- აღმაშენებლის ქუჩა N 13 საერთო ფართით 640 კვ.მ. ექსპერტთა ვიზიტის დროს აღნიშნული ფართის ფლობა საჯარო რეესტრის ამონაწერით არ დასტურდებოდა
- თელავში- ვარდოშვილის ქ. 15. საერთო ფართით 411, 7კვ.მ. საკადასტრო კოდი 53.20.38.151.

აღნიშნულ მისამართებზე სასწავლო პროცესის წარმართვისთვის საჭირო მატერიალური რესურსი შემდეგნაირად არის გადანაწილებული

- გორში-მერხი სამადგილიანი-20, მერხი ორადგილიანი- 76 შესაბამისი სკამებით (სულ 212 სტუდენტზე), კომპიუტერი 8 ერთეული
- ქუთაისში-მერხი ორადგილიანი- 76 შესაბამისი სკამებით (სულ 224 სტუდენტზე), კომპიუტერი 12 ერთეული

- სამტრედიაში-მერხები შესაბამისი სკამებით 140 სტუდენტზე, კომპიუტერი 10 ერთეული
- ბათუმში- სასწავლო მერხები 220 სტუდენტზე, 15 კომპიუტერი
- თელავში- მერხი 68 სტუდენტზე, შესაბამისი სკამები, კომპიუტერი 7

აღნიშნულ მისამართებზე ნებადართული პროფესიული საგანმანათლებლო პროგრამები ხორციელდება კოლეჯის დირექტორის ბრძანებით- ადგილზე არსებული მატერიალურ ტექნიკური ბაზის გათვალისწინებით. ზოგადად უნდა აღინიშნოს რომ კოლეჯის მფლობელობაში არსებულ ფართში ყველა მისამართზე არის სასწავლო პროცესის წარმართავისთვის საჭირო გარემო, აუდიტორიები ნათდება ბუნებრივად, გათბობის საშუალებებად გამოიყენება ცენტრალური გათბობა, ზამთარ ზაფხულის სისტემა ან ელექტროგათბობლები, მოწყობილია პროგრამის შესაბამისი კლას-ლაბორატორიები, რომლებიც აღჭურვილია შესაბამისი ინვენტარით, ყველა მისამართზე მოწყობილია პირველადი დახმარების სამედიცინო კაბინეტი; სველი წერტილები გამიჯნულია, ცალკეა სველი წერტილი სპეციალური საგანმანათლებლო საჭიროების მქონე სტუდენტებისთვის, მათთვის ასევე მოწყობილი პანდუსები. კომპიუტერები, პროექტორები, გამოიყენება როგორც სასწავლო მიზნებისთვის ისე ადმინისტრაციის მართვაში, ყველა მისამართზე გამოკრულია საევაკუაციო გეგმები, ცეცხლმაქრები; გადამოწმდა ბიბლიოთეკების წიგნადი ფონდები, ისინი შეესაბამება სასწავლო პროგრამის სილაბუსებში მითითებულ ლიტერატურას.

ექსპერტთა ვიზიტის დროს გადამოწმდა ადგილზე არსებული მატერიალური რესურსის ფლობის დოკუმენტაცია-რის შედეგადაც დგინდება რომ აღნიშნულ მატერიალურ რესურსებს კოლეჯი ფლობს შესყიდვის, ჩუქების ან იჯარის ხელშეკრულებების საფუძველზე.

ადამიანური რესურსი: დაწესებულებას აქვს შემდეგი ადმინისტრაციული და დამხმარე სტრუქტურული ერთეულები:

წარმომადგენლობის ხელმძღვანელი;

წარმომადგენლობის ხელმძღვანელის მოადგილე;

სასწავლო პროცესის მართვის მენეჯერი;

ადამიანური რესურსების მართვისა და საქმისწარმოების მენეჯერი;

პირველი სამედიცინო პუნქტის ხელმძღვანელი;

ბიბლიოთეკარი;

დაცვის სამსახური;

დამლაგებელი;

პროფესიულ საგანმანათლებლო პროგრამებს ანხორციელებს: გორში-31, ქუთაისში-35, სამტრედიაში-37, ბათუმში- 34, თელავში-18 მასწავლებელი. ადგილზე გადამოწმდა მათი პირადი საქმეები, მათი კვალიფიკაცია და პროფესიული გამოცდილება შეესაბამება პროფესიული სტანდარტის მოთხოვნებს. ყველა ქალაქში- სადაც კოლეჯი აპირებს პროფესიული საგანმანათლებლო პროგრამების განხორციელებას, პროგრამის შესაბამის კერძო და საჯარო სტრუქტურებთან გაფორმებულია ურთიერთთანამშრომლობის მემორანდუმები- რომლის საფუძველზეც პროფესიული სტუდენტები ამ დაწესებულებებში გაივლიან პროგრამებით გათვალისწინებულ საწარმოო პრაქტიკას.

ექსპერტთა ჯგუფის თავმჯდომარე თეა შაყულაშვილი

ჯგუფის წევრი მაია თეთრუაშვილი

17.10.2012წ.